

DE COMETIS,
QVI ANTEA VISI
SVNT, ET DE EO, QVI NOVIS-
SIME MENSE NOVEMBRI APPARVIT,
narratio, scripta ad

AMPLISSIMVM PRVDENTISSI-
MVMQVE REIPVB. NORIBERGEN-
SIS SENATVM,

A

Iohanne Prætorio Ioachimico, Reip. Noribergensis
Astronomo, & Mathematicum Professore in
schola Altorfiana.



Cum gratia & priuilegio Cæsareæ Maiestatis.

NORIBERGÆ
clb. · Is. Lxxviii.

THE COMPASS
BY ANTHONY VISI

WITH A NEW INTRODUCTION

BY THE AUTHOR

LONDON

PRINTED BY J. JOHNSON, ST. PAUL'S CHURCH-YARD

1795

IN TWO VOLUMES

Vol. I.

Vol. II.

Vol. III.

Vol. IV.

Vol. V.

Vol. VI.

Vol. VII.

Vol. VIII.

Vol. IX.

Vol. X.

Vol. XI.

Vol. XII.

Vol. XIII.

Vol. XIV.

Vol. XV.

Vol. XVI.

Vol. XVII.

Vol. XVIII.

Vol. XIX.

Vol. XX.

Vol. XXI.

Vol. XXII.

Vol. XXIII.

Vol. XXIV.

Vol. XXV.

Vol. XXVI.

Vol. XXVII.

DE COMETIS,
QVI ANTEA VISI
SVNT, ET DE EO, QVI NO-
VISSIME MENSE NOVEMBRI
APPARVIT,
NARRATIO.



N VLLA fuit vnquam gens tam barbara, quæ Cometa-
rum aspectum fortuitum fieri, & eos, absq; aliquo
præfagio sequuturi alicuius notabilis euentus, ap-
parere arbitrata sit. Nam cum multa alia signa à
multis neglecta sint, vt vel temerè illa fieri, aut ori-
ginem ex leui quadam causa, animaduersione indi-
gna, trahere somniarint, tamen conuicti euidenti-
bus experientix testimonijs, & atrocibus casibus moniti, religiose
& cum animi consternatione, Cometas intueri coacti sunt. Maior at-
tentio fuit successu temporis, cum res gestæ & miracula diligentius
in annales referri cepta sunt. Experientia enim hominum animos
magis magisq; confirmauit, & series historiarum, ac diligens earum
meditatio, eruditis viris nullam reliquit dubitationem, quin de Co-
metis magnarum mutationum & confusionum indicia semper sumta
sint. Neq; vero eam solum ob causam, inter signa & prodigia Come-
tæ connumerati sunt, quòd nulla vnq; ætas illos impunè viderit, sed
quòd ipsis, vt & alijs plerisq; prodigijs, eiusmodi facultas diuinitus
attributa sit, vt per se terrorem & metum animis intuentium inñci-
ant, eosq; commonefaciant, vt præsentis Dei minas reuereri cogan-
tur. Annotatum in veterum historijs inuenimus, quòd tetri, horribi-
les, ingentes &c. nominantur, quoties item legimus, Cometarum a-
spectu mentes mortalium perterritas esse & hæ voces testantur, vni-
uscuiusq; conscientix testimonio, diuinitus hæc signa commonefa-
ctionis causa hominibus ostendi. Nō dico nunc de Cyclopibus, qui-
bus vltimo hoc seculo permulti similes sunt, qui cum Deum condi-
torem omnium rerū contemnant, & ipsius verbum, mirum non est, si
& omnes eius creaturas, & quæ in his sunt, actiones, haud secus con-
templentur ac reliqua animalia, quæ ratione carent. Sed eos sanan-
di hic locus non erit.

Et quoniam nobis circa finem anni 1577. Cometes iterum ostensus sit, aspectu formidabilis, qui haud dubiè secutorum malorum indicia secum fert, & labentis ad interitum mundi calamitates prænunciat, operæ precium esse duximus, anteq̃ de eo aliquid proferamus, Cometarū seriem aliquam summam & nudè enarrare, eorumq̃ primam obseruationem, quantum possumus, inuestigare. Non adhiemus singulorum euenta, & quæ eos sequutæ sunt regnorum confusiones & interitus, principum casus, & similia, nimis enim prolixi commentarj hæc essent: sed lectorem ad historiarum seriem remittimus. Inueniet enim, maximè luctuosa tempora Cometarum apparitionibus annexa esse. Quantum autem fieri potest, breuissimè omnes, quos colligere potuimus, Cometas enarrabimus.

Quod ad primam Cometarum fulsionem attinet, non dubitamus affirmare, ab initio eos hominibus ostensos esse, & quanq̃ id ex historijs primorum patrum patefacere non possumus, tamen alia ratione (vt putō) probabili id proferre conabimur. Certum est, multa prodigia & ostenta, ex naturalibus causis originem habere, quamuis, præter naturales effectus, alias significationes quandoq̃ ex diuina quadam prouidentia habeant. Talem conditionem Cometis quoque attributam esse, iam à græcorum Philosophorum tempore, ab eruditis receptum est. Si itaq̃ de materia & generatione Cometarum, Physicorum dogma, quod longo vsu in scholis approbatum est, nullam post se relinquit dubitationem, hoc quoq̃ sequi videtur, cum mundi quasi initio Cometarū originem deductam esse. Dicunt enim, Crinitam stellam esse vaporem terrestrem, crassum, viscosum, astrorum virtute in supremam aëris regionem attractum & incensum, vt pœnas diuinas hominibus prænunciet &c. Cum igitur et vis astrorū, seu certa quædam constellatio, & vaporis terrestris copia, ad generationem Cometæ concurrant, non dubito, eiusmodi vires & vapores continuè successisse. Si quis autem contendit, alium posterioribus seculis syderum positum esse, ac fuerit ab initio, is quidem rectè ratiocinatur, si vniuersam omnium motuum anomaliam adinuicem confert, hæc enim ratione, vt Astronomi statuunt, quoad mundus durabit, motuum omnium ad pristinum statum nulla fiet restitutio. Verum ad Cometarum materiam attrahendam, non potuit tum quoq̃ non esse sufficiens constellatio. Quis enim negabit, singulorum orbium motum esse perpetuò vniformem & regularem? & cum ultra bis mille annos, ad nostra vsq̃ tempora, toties congruens stellarum positus recurrere potuit, (quàm etiam is varius & dissimilis fuerit) neminem arbitror fore, qui neget, eandem vel similem vicissitudinem

nem antea quoque accidisse. Terrestres quoque vapores, ob alterationes, quibus elementaria ab initio subiecta sunt, semper fuisse necesse est. Et si his postremis seculis, tanta moles toties procreari potuit, quæ materiam Cometæ suppeditarit, & antea quoque procreari potuisse consentaneum est. Nam quodd deterior terræ conditio nunc sit, quàm fuit statim post creationem omnium rerum, aliunde promanare non potest, quàm à maledictione diuina, quam post hominis lapsum statim sensit, quæ item non multò post geminata fuit. Amplius iudico, Cometæ à primis patribus notatos fuisse, Astronomiæ enim & naturæ cognitionis omnium peritissimi fuerunt, ut ipsis difficile non fuerit Cometæ à stellis discernere, quæadmodum Plinius Hipparchum fecisse ait, quod hîdè artibus instructus Cometæ à stellis separarit. Itaque affirmare non dubito, ab initio Cometæ fulsisse, & semper de hîs mutationum & miseriarum subsequentiũ iudicia sumta fuisse.

In sacris literis veteris Testamenti, nullam Cometarum mentionem factam esse animaduertimus: nisi quis Hieremiæ Prophetæ virgam & ollam ardentem, & aliorum eiusmodi visiones adducere vellet, quanquæ (meo iudicio) incongruè. Antiquissimum de Cometis testimonium ex Senecæ dictis colligo. Nam is quendam citat, qui affirmarit, apud Chaldæos fuisse Astronomos, qui Cometæ stellas esse negarunt. At in Assyria, Chaldæa, Phœnicia & Ægypto, Astronomica studia propagata sunt, vna cum rerum naturalium vestigatione, à Iosepho & posteris eius. Is autem carcere liberatus anno mundi 2230. Ægyptum rexit. Ex his terris, ut & Proclus fatetur, Arithmetica, Geometria, & tota naturalium rerum historia, ad Græcos translata est. Et quanquæ post tempora sanctorum patrum, nihil de hac doctrina traditum est, in historiis, usque ad tempora Græcorum Philosophorum, sicut nec de Astronomia certialiquid, aut de ipsis propagatoribus annotatum est, tamen inter Chaldæos, Phœnices & Ægyptios, hæc studia conseruata sunt, donec ad Græcos, ut dictum est, transmigrarunt.

Philosophorum de Cometis dogmata permulta adhuc habentur, Ex hîs vero Pythagoras, Italicæ Philosophiæ author, reliquos omnes, qui nominantur, ætate antecedit. Nomen eius tum celebre fuit, quando regium nomen apud Romanos cessauit, & consules Rempublic. administrare cœperunt. Floruit primum in Thuscia, deinde in Græcia. Mortuus sanè fertur vltimo anno septuagesimæ Olympiadis, hoc est, anno mundi 3468. Quid statuatur de Cometis, aliunde petendum est, non enim hoc est nostri propositi inquirere. Inueniet hoc, qui volet, apud Diogenem Laërtium & alios. Inprimis vero de

his eruditè & copiosè differuit D. Camerarius, Vir CL. præceptor quondam meus, & patris loco perpetua memoria colendus, in eo, quem de Cometis scripsit, libello. Pythagoræ autem temporibus, sicut nec ante ipsum, historiæ nullum Cometam, qui apparuerit, describunt.

Pythagoram sequuti Anaxagoras & Democritus, de Cometis opiniones quoque suas proferre soliti sunt. Et ipsorum ætate, primum (quod sciam) historiæ Cometam produnt. Videlicet, Quando Xerxes contra Græcos è Sardibus mouit, Vel, vt Plinius refert, cum Græcia apud Salamina depugnauit. Id accidit vltimo anno 76. Olympiadis, anno mundi 3484. quo item anno ad Thermopilas & ad Artemisium, diuerso euentu pugnatum est. Fuit is dictus Ceratias, eò quòd tanquam cornu incuruatus esset. Præcesserat tunc quoque Solis Eclipsis, quæ in historijs quoque describitur. Fuit autem is Anaxagoras. Astronomicæ & Physicæ doctrinæ inprimis deditus, non tamen absque superstitione & prodigiosa opinionum conceptione, vt tunc ætas tulit. Aiunt ipsum lapidis casum ex eodè Cometæ incendio prædixisse (quem ex Sole casurum dixerit) quod postea accidit sub initio belli Peloponnesiaci, ad Ægos potamos, olympiade 88. Sub id tempus, alius quoque Cometa per 75. dies comparuit, vt narrat Plutarchus in Lyfandro.

Postea Seneca scribit Cometam fulsisse regnante Archelao Macedonum Rege. Annum certum assignare non possumus, nisi quòd ipsius regnum cœpit anno mundi 3563. & durauit annos 14.

Aristoteles dicit Cometem magnum apparuisse, qui appellatus fuit Via, anno quarto Olympiadis 101. est is annus mundi 3592. & dicit fulgorem porrexisse ad tertiam usque partem cœli, & in Cingulo Orionis euanuisse. Scribunt alij, dum oriretur, & dum occideret, quatuor horas præterhisse. Plures ab Aristotele notantur, sed quibus annis ascribendi sint, nobis non satis constat.

Legimus quoque Callisthenem tradidisse, biennio ante Leuætricam pugnam, hoc est, anno 3590. Cometam conspectum esse, qui tempestates, terræ motus, & Græcorum excidium denunciavit. Leuætrica autem pugna eodem anno commissa est, cui Aristotelis Cometa adscriptus est.

Post hos, annotatum à Plinio legimus Cometem, qui tubæ effigiæ cum esset, in hastam mutatus est, anno vrbis 398. hoc est, anno mundi 3610. sequuta sunt initia eius belli, quo Philippus Macedonum Græciam vexauit. Vastationes quoque in Iudæa & Persia acciderunt. Anno sequente, natus est Alexander Magnus, qui postea anno mundi

mundi 3629. Regno Macedonico potitus est, & duodecim annorum spacio orbem subegit.

Iustinus refert, anno eo, quo natus fuit Alexander Magnus, itemq; quo primum regno potitus est, Cometam visum esse, qui utroque tempore, per 70. dies apparuerit. Ex his apparet, anno quoque 3629. Crinitam stellam annumerandam esse.

Iam multi intercedunt anni, quibus nullum Cometam ascriptum inuenimus. Nam anno demum vrbs 603. mundi 3819. stella arsit per dies 32. Sequenti anno, Carthago à Scipione, & Corinthus à Mumio deleta est.

Inde rursus ad tempora usq; Iulij Cæsaris transcurritur. Nam anno vrbs 710. mundi vero 3922. Iulius Cæsar in senatu interfectus est. Frequentem tum Cometarum conspectum fuisse, Virgilius innuit: Non aliàs cœlo ceciderunt plura sereno Fulgura, nec diri toties arsere Cometæ.

Plinius quoq; sub ipso bello ciuili, & anno obitus Cæsaris visos fuisse asserit. Et Plutarchus dicit, quod ingens stella Crinita, post Cæsaris interitum, ad septimam usq; noctem eximio fulgore apparuit. Existimo eandem esse, quæ à Plinio prolixius describitur, cum Augustus ludos faceret Veneri genitrici, eam interdum visam &c. Hunc vnum ex omnibus Cometis legimus cum gaudio exceptum esse, eumq; (ut Plinius ait) terris salutarem fuisse.

Anno salutiferæ natiuitatis Christi ex Virgine, sunt qui dicant Cometam fulsisse, qui à Sybilla vate Augusto Imperatori ostensus sit.

Postea anno Christi 62. in ipsis ludis Neroneis Cometes effulsit. Hunc puto esse, quem D. Camerarius centum annos post triumphum ponit.

Eiusdem imperij anno decimo, alius splenduit, videtur Seneca de hoc scribere, quod, præter Cometarum morem, ab ortu ad occasum nonnihil deflexit.

Anno Christi 71. primo anno Vespasiani Imperatoris, Cometes Xiphias visus est per integrum annum. Quem anno sequenti miserabile excidium vrbs & gentis Iudaicæ sequutum est.

Annotatum inuenio, paulo ante Vespasiani Imperatoris mortem Crinitam stellam apparuisse, vter is Vespasianus fuerit, agnosce-re non possum. Prioris autem mors incidit in annum Christi 81. Titus vero Vespasianus, qui patri successit, biennium saltem imperauit.

Hoc iterum loco multi anni omittuntur. Anno Christi 340. quo Constantinus Imperator obiit, ingens Cometa per aliquot menses se ostendit.

Sub Theodosio Imperatore scribunt, Cometen similem illi Hierosolymitano fuisse. Initium eius imperij in Oriente refertur ad annum Christi 383. quod durauit annos 17. Duodecimo eiusdem Imperatoris anno, signum in cœlo, quasi columba pendens ardensq̃, per dies 30. apparuit. An & hoc inter Cometas referri possit, vnicuiq̃ disceptandum relinquo.

Inde Cometes fuit anno 26. Valentiniani Imperatoris in Occidente, qui est annus reparatæ salutis 454. tunc quoq̃ cœlum arsit, & hastæ ardentes, & alia prodigia in cœlo visâ, de quibus Trithemius. Totius tunc Orientis & Occidentis Imperium grauiter afflictum est. Imperator quoq̃ Theodosius mortuus est. Attila Hunnorum rex Germaniam vastauit.

Anno salutiferi partus 557. stella crinita in forma lanceæ Constantinopoli apparuit.

Post annos 30. iterum Bizanti Cometa apparuit, cum alijs multis prodigijs. Incidunt hæc tempora in quartum annum Imperij Mauritiij. Sunt qui sectam Sarracenicam eum prænucciasse affirmant. Sub eodem Imperatore duo alijs comparuerunt, nam anno eius vndecimo, hoc est, anno Christi 594. Cometes integro mense cœlo apparuit, quem fames, squalor, siccitas subsecuta est. Deinde & ultimo eius anno, videlicet Christi 603. Cometes Xiphias conspectus est. Mauritius Imperator tunc miserè cum coniuge & tribus filiabus interemptus est. Natus est sub hoc Imperatore Mahometus. Et scribunt nonnulli, circa ea tempora Crinitam fuisse integros 6. menses. Fortassis hoc vni ex iam citatis adscribendum est.

Anno Christi 676. terribilis Cometes per tres menses Romæ apparuit. Orosius ait, sequutas fuisse ingentes pluuias, & frequentia tonitrua. Sequenti anno locustæ magnis agminibus per Syriam & Mesopotamiam volitarunt.

Post annos 8. stella ingens fertur apparuisse in Oriente. Nunquid aliud fuerit quàm Cometa, non exprimitur.

Anno incarnationis Christi 729. annotatum est à Matthæo Palmerio in Chronicis suis, duos Cometas mense Ianuario per 15. dies apparuisse, vnum qui Solem præcessit, alterum qui eundem sequutus est. Sed Petrus Apianus eum repræhendit, & multos hoc modo decipi ait. Nam si magnam declinationem versus polum manifestum habuerit, & in certo Zodiaci situ, fieri potest, vt idem Cometa mane ante ortum Solis conspiciatur, & vesperi item, post eius occasum, quod & nostra ætate accidisse compertum est.

In Syria Cometes conspectus est, anno Christi 745. anno sequenti pestis

et pestis in Sicilia grassari cœpit, quæ sensim omnes maris insulas, & totam Græciam inuasit, sequente rursus anno Constantinopolim vastauit, eamq; tertio anno penè desolatam reddidit.

Post Christum natum 761. anno, Cometa in Oriente decem diebus fuit. Alius in Occidente diebus 21. an & hi eodem in loco ante ortum Solis, & post occasum eiusdem apparuerint, vt priores, quos paulò antè notauimus, Funecius non addit.

Post biennium iterum Cometa Docetes in Oriente visus est. Ingens subsequutum est frigus, & deinceps siccitas magna. Turci tunc cum magno successu potestatem suam ampliarunt.

Anno quoq; 800. Cometa adscribitur. Succedente anno Caroli Magni ad Imperium fuit accessio, cuius gubernatio 14. annos durauit. Vltimo huius anno, videlicet anno Christi 815. Cometa insignis & terribilis apparuit, mortem Caroli prædicens.

Successori quoq; Ludouico Pio Cometes mortem denunciavit anno 839. apparuit is in signo Arietis.

Post Ludouicum Pium, filius ipsius Lotharius Imperio suffectus est, cuius Imperij anno secundo, id est, anno Christi 842. Cometes in Aquarj signo splenduit. Anno quoq; sequente, non pauci dicuntur Cometæ apparuisse, quando Lotharius Imperator cum fratribus funestum bellum gereret.

Anno incarnationis Christi 876. octauo Idus Octobris iterum tale ostentum accidit, quod inundationes & pestem prædixit. Quadriennio post, Sol ita obscuratus scribitur, vt etiã stellæ interdiu cernerentur.

Anno quo mortuus est Ludouicus rex Boiorum, 15. Calend. Febr. sydus crinitum apparuit. Iudico eum ad annum Christi 882. congruere.

Cometa præter morem rubicundior apparuit, post natum Christum anno 906. quem magnæ pluuiæ secutæ sunt.

Anno 945. Cometa miræ magnitudinis in Italia visus, quem famæ maxima comitata est, Galliam quoq; tunc famæ pressit.

Anno 987. vel circiter, ante mortem Imperatoris Otthonis II. Cometes apparuit. Fames quoq; & pestis tunc regnauit.

Anno 1005. Cometa aspectu horribilis visus, tredecim noctes, festo Paschali.

Annus quoq; 1066. & 1068. eadem de causa celebres sunt.

Postea anno 1071. stella insolita, in Austrum & Occidentem visa est, per dies 25. & post alia miracula Cometes, longos & flammeos crines ducens, apparuit.

Similis flamma annum quod 1097. notauit.

Noua astra visa esse perhibentur anno 1104.

Anno 1106. Cometes maximus tempore Carnispriuñ apparuit. Mortuus est eo anno Henricus IIII. Imperator, qui annos 50. regnauerat.

Vise sunt etiam tales flammæ anno 1141.

Tartarorum irruptiones in Poloniam Cometes præcessit, anno 1211. qui 18. dies durauit.

Anno 1254. Cometa in Germania per aliquot menses conspicuus fuit. Ventus præter solitum vehemens sequutus, & alia incommoda.

1265. Cometes insigni magnitudine mense Augusto apparuit, & durauit tres menses. Hunc autem esse arbitror, quem Pontanus, Functius & D. Camerarius vno anno priorem faciunt. Nam eundem menssem Pontanus citat, & tantam durationem assignat, & ait ab ortu ipso ad medium cœli crines diffudisse, nec antè videri desisse, quàm Urbanus Pont. Max. diem obiit. Mortuus is fertur anno 1265.

Post annos iterum 19. & itidem anno 1298. æstate, Cometa conspectus est, circa id tempus, Adolphus Imperator ab Alberto prælio victus cadit.

Deinde 1301. & alius 1305. tempore Paschæ apparuit, quos pestis per vniuersum orbem comitata est.

Anno 1312. Cometa per 14. dies se videndum præbuit.

Sequenti etiam anno visus est, qui à Septentrione versus Meridiem discessit iuxta motum Martis.

Qui anno 1314. comparuit, in sine Virginis, dicitur flammam versus Aquilonem direxisse, & tres septimanas conspectum esse. Fames tunc maxima in Lithuania & adiacentibus regionibus. Pluuiæ per totam æstatem, inde pestis cum fame, quibus tertia pars viuentium absumta traditur.

Anno 1337. Dirus Cometes in signo Tauri amplius 4. menses durauit. Cui accessit alius, qui cum hoc per tres amplius menses, Iunium, Iulium, Augustum, effulsit. Variæ tunc gentiū afflictiones fuerunt, propter bella & vim locustarum. Pestem legimus eo anno Noriberge multa millia hominum absumisse.

Triennio post, mense Martio, alius fulsit in signo Virginis, anno sequente, hoc est, 1341 Noriberge 400. ædificia incendio perierunt.

Anno 1347. mense Augusto in Tauro, duos menses visus. Alj rursus asserunt paucos dies eum conspectum esse. Scænt tum pestis per totum orbem.

1352 Item 1353. anni, quoq; Cometas senserunt. Anno 1363. Cometes insigni magnitudine apparuit, tres continuos menses. Surgens ab Oriente diro incendio æris ad medium cœli, versus Occidentem radios suos proficiens.

Duodecimo anno pōst, itidem sydus crinitum fulsit. Sequuta est mors Caroli Quarti.

1391. Cometes in Veru imagine apparuit, hunc autumant. Astrologi inter cæteros esse pessimum.

Citant & annum 1400. & annum 1403. paulò ante mortem Tamerolani.

Item anno 1407. quo Pruteni à Polonis magna ipsorum clade superati sunt, sed alij hoc bellum posterius faciunt.

1433. Cometa ingens per tres menses luxit.

Eiusmodi fax conspecta quoq; fuit anno 1474. & 1479. Creuit hjs temporibus Turcica potentia, & debilitatæ sunt vires Christianorum.

Circa annum 1444. Cometa solstitij tempore conspectus, qui mentes mortalium perterrit.

Cometes, cum varijs prodigijs, apparuit in Polonia & alibi, per totum mensem Iunium, anno 1456. antecessit is mortem Ladislai Regis Bohemorum, qui veneno sublatu est.

Sequenti quoq; anno crinita stella citatur. Arbitror hanc esse, quam vocat Pontanus insignem, quæ multis diebus fulsit ad Orientem, in Cancr Leonisq; regionibus, tantæ longitudinis, vt amplius quàm duo cœli signa comæ suæ tractu occuparet. Insecutum est bellum diuturnum, & mors Regis Alphonfi.

Anno Christi incarnati 1460. ingens rursus Cometes apparuit. Capistranus nostri seculi mala inde vaticinatus est.

Circa hæc tempora maxima argenti copia effossa est, ex argentifodinis Schneebergenfibus, annum autem hisce verbis contentum notarunt: **ECCE CUI COMETA LVXIT.**

Anno 1471. Alphonsus, Portugalix Rex, magna classe in Affricam trañciens, expugnauit potentissimas duas vrbes Tingin & Argillam. Hanc expeditionem scribit Pontanus antecessisse Cometam, cuius descriptionem apponere libuit. Inquit enim Pontanus: Cometes tenui primò capite coma admodū breui conspectus est. Mox miræ magnitudinis factus, ab Ortu deflectere cœpit in Septentrionem, inæquali cursu. Et quod Mars Saturnusq; vterq; repedabat, auersus ipse, prægrediente Coma, ferebatur, donec ad ipsos Arctos peruenit. Vnde cum primum Saturnus ac Mars recto cursu pergere ceperunt,

ceperunt, in occasum iter flexit, tanta celeritate, vt die vno ad triginta gradus emensus sit. Atq; vbi ad Arietem & Taurum peruenit, videri desijt. Hic & dies plurimos fulsit, & qui initio breuior visus est, aded creuit, vt quinquaginta gradus, atq; etiam amplius occuparet &c. Multorum principum mortem illi anno Functius apponit.

In principio anni 1472. Cometa apparuit. In Chronicis Polonicis annotatum est, duos Cometas notabilis magnitudinis visos fuisse in Libra & Ariete. Sed à Regiomontano vnus saltem obseruatus est, die 20. Ianuarij Noribergæ, qui scilicet in Libra hæsit, vt patet ex ipsius obseruationibus. Trium annorum siccitas sequuta est, & bella quoq;

Anno 1491. Cometes & Solis Eclipsis accidit, pestis pecorum sequuta est, & aliquot principes vita functi sunt. De hoc à VValthero nihil annotatum inuenimus, in suis obseruationibus, nisi quod fuerit circa principium Arietis, cum latitudine Meridionali.

Anno 1500. Cometes in Septentrione sub signo Capricorni splenduit, mense Aprili. Tartarus tunc Poloniam, Moscus Lithuaniam vastauit.

1506. Stella crinita inter Arcton apparuit, tertio Idus Aprilis, quæ 25. dies durauit. Prædixit ea mortem Alexandri Regis Poloniæ. Tartari eo anno repulsi sunt. Mortuus in Hispania Philippus, pater Caroli V. Imp.

1523. In Nouembri Cometam apparuisse Iunctinus annotauit. Magnæ inundationis prænuncium.

Anno 1529. annotantur quatuor Cometæ, ex aduerso stantes, ad quatuor latera mundi spargentes flammæ. Aliud annotatum de his non inuenio, quanquam diligentior descriptionem desiderem. Vienna eo anno à Turcis obsessa est. Fames maxima Noribergam afflixit.

1530. Cometes in Germania, Italia, & Gallia visus est, circiter sextum diem Augusti, durauit ad tertiam vsq; diem Septembris, quo spacio percurrit Cancrum, Leonem, Virginem, & Libram, in quo signo euauit. Visus is fuit manè ante ortum Solis, itemq; rursus post Solis occasum. Submersio tunc facta multarum ciuitatum in Flandria, Brabantia, Hollandia, Zelandia, &c.

1531. & duobus proximè sequentibus annis singulis, item anno 1538. & 1539. singuli Cometæ apparuerunt. Quorum omnium loca & motum diligenter annotauit Petrus Apianus, ad quem lectorem remittimus. Inter hos, vltimus qui apparuit, hoc peculiare & rarum habuit, quod motus eius proprius contra ordinem signorum fuit,

fuit, hoc est, quoddam velocius versus Occidentem progressus est, quam est motus primi mobilis. Statum horum temporum recens hominum memoria suppedabit.

Visus est quoque Cometa anno 1556. sub initio Martij, quem diligenter descripsit Iohannes Hommelius, insignis quondam Mathematicus. Ex ipsius annotatione hæc subscere non piguit: Die 5. Martij iuxta alam sinistram Virginis, supra spicam constitit: die octava infra genu Bootis, & nona die iuxta Arcturum, ut quasi in ambitu maximi circuli, hoc est, rectissima via ad polum Zodaici Borealem accedere visus sit, & tunc una die plures quam 15. gradus circuli celestis peragravit. Ascendendo autem versus polum Zodiaci Borealem, ipsum ad dextram linquens ad polum mundi accessit, magna velocitate, & inde quasi ex culmine descendens, ad Saturnum, qui tunc in Ariete fuit, contendit. Et ut antea ex Libra contra ordinem signorum (secundum longitudinem) processit, ita postea, Saturni motum imitans, secundum ordinem signorum progressus est, per Andromedam ad signum Piscium, ubi extinctus est. Mutati sunt tum radii, tum corpus ipsius. Et radii, qui vesperi in meridiem, post mediam noctem in occasum directi sunt. Nec comam à Sole averfam habuit, donec à Sole minus quadrante circuli remotus fuit. Euenit ipsi & hoc, quod à Zodaico longius remotus, manè & vesperi conspici potuerit. Et quandoque sub Horizontem non occultatus fuit. Accuratiorem descriptionem ex D. Camerarij libello petere licebit.

Dicitur & anno 1557. similem flammam in Occidentis plaga visam, mense Octobri, in signo Sagittarij, cum Sol Libram teneret.

Anno 1558. mense Augusto, & deinceps, per multas septimanas Cometes in Veru imagine visus est in Scorpione.

Anno demum 1572. Sydus quoddam apparuit, (sic enim vocari solitum est,) quod diuersissimas opiniones inter Astrologos & Philosophos excitauit, dum alij stellam fixam illud esse contenderunt, lumine auctam: alij nouam Dei creaturam: alij Cometen: alij rursus medium quiddam inter Cometam & stellam. Sed horum disputationem, ex aliqua parte temporis successus sustulit. Cum enim prorsus euauerit, & stellarum numerus diminutus non sit, consentaneum est, meteoron fuisse, siue illud ex vulgari Cometarum materia, siue puriore aliqua mole fuerit compactum. Edocti certe sumus, doctrinam Meteorologicam integram & omnibus partibus absolutam non esse. Nam nullus ex Astronomis, ut arbitror, negabit, ipsius sedem intra Planetarum orbem contentam fuisse, quam mundi partem ætheream dicunt. Id cum ante hæc tempora, nonnulli ex Pythagore, Sto-

icorum & aliorum sententia, fieri posse assererent, ab alijs acriter repulsi sunt. Animaduertimus quoq; Meteororum figuras siue formas, diuersissimas esse posse, nec intra certas metas inclusas esse. Posse etiamnum tum Cometarum, tum aliorum meteororum faciem subinde à consueta veterum obseruatione, alienam fieri, de multis item alijs rebus, etiam in posterum, nos commone fieri posse, quæ ad augendam veterum doctrinam spectant. Mihi sanè hoc sydus corroborare, inter cætera, videtur, Ioh. Penæ opinionem, qui reiecta regionum æris discrepantia, ignis quoq; sphaera sublata, arbitratur ærem continuum, absq; vlla materiæ diuersitate, à nostro visu, ad extremas vsq; stellas extendi. De qua tamen opinione, in præsentia nihil statuere volo. Et vt ad sydus dictum reuertamur, constitutum id fuit intra Cassiopeæ formam, & cum tribus ipsius stellis, quæ sunt in ordine secunda, quarta, & duodecima, Rhombi figuram quasi vel Trapezij effingebat. Plerosq; Rhomboidis appellatione vsos esse video, sed, vt opinor, minus congruè, quoniam opposita eius figuræ latera minimè cernebantur esse æqualia. Adhæsit fermè coluro æquinoctiorum, vt eius ascensio recta, vix vno gradu ab integro æquatoris circulo abfuerit. Longitudo eius referebatur ad septimum gradum Tauri, latitudo erat partium 54. Sept: Declinatio ab æquatore 62. grad. Multa in eo admiratione digna concurrerunt. I. Forma, quæ erat stellæ fixæ similima, absq; vlla coma aut area circumfusa. II. Color lucidus, scintillatione prioribus diebus fixas stellas æmularbatur. Ipso Ioue maius & lucidius, sed Veneri magnitudine facile cessit. Et cum duos menses vel circiter apparuisset, rubicundius fieri cœpit, vt etiam Martis ardorem vinceret. Sed postea pallidius iterum factum. III. Motus huic syderi nullus erat, excepto eo, quem cum stellis fixis communem habebat. Eundemq; quem primò habuit locum, deinceps semper retinuit. IIII. Distantia ei à terra tanta fuit, vt ea percipi nullo modo potuerit, nisi quòd depræhensum sit, intra orbes Planetarum, aut supra eos collocatum fuisse. Hoc enim artificum obseruationibus comprobatum est, & qui omnium præstantissimi & diligentissimi in hoc genere fuerunt, omni parallaxi id exutum fuisse affirmant. Eam ob causam certa ei sedes attribui non potuit. Nam licet & Saturnus omni diuersitate aspectus caret, tamen ex proprio ipsius motu, & alijs accidentibus eius distantia definiri potuit, quæ adminicula huic syderi prorsus non adfuerunt. V. Tandem duratio insolita. Videri enim cœpit mense Nouembri, à nonnullis quidem citius, sed à me VVitebergæ die 16. & durauit menses quatuordecim.

Quid

Quid illud sidus sequutum sit, omnibus notum est, nec dum ipsius effectum cessasse arbitror, aut ita breui cessaturum. Solent nonnulli Astrologi singulis mensibus durationis, singulos annos tribuere. Quis scit, an non & hoc sydus, ad quartumdecimum annum vires suas extendat? Numerantur ab Israëlitarum liberatione, à carcere Ægyptiaco, vsq; ad vrbs & gentis excidium, anni 1582. & fuerunt, qui, coniecturali ratiocinatione, hanc annorum Christi supputationem orbi fatalem esse arbitrati sunt, hoc itaq; tempus, intra spacium prædictum contineri cernimus. Nolo nunc adducere aliorum prophetias, quæ huic supputationi suffragantur. Non autem ab homine Christiano alienum est, vnà cum verbi diuini admonitione, cuius auctoritas in toto mundo summa est, naturæ quoq; testimonia admittere, quæ item nos de præsentia & ira Dei commonefaciunt, vt eo paratiores & promptiores simus, tanquam omnibus momentis, fidei & actionum nostrarum rationem Deo reddituri.

Hæc de præteritorum Cometarum historia dicta sufficiant, quam cupio à viris eruditis, qui in historijs magis versati sunt, fieri auctiorem & ornatorem, cum imprimis nos de multis rebus vtilibus commonefaciat. Nam tam atrocibus spectaculis mentes nostræ ad Dei timorem & inuocationem commouentur. Et vicissim in calamitatibus, & regnorum ruinis, & portentorum aspectu, iterum eriguntur, & leuamen quoddam malorum inde hauriunt, quoniam agnoscunt multò magis miraculosa, & aspectu terribiliora quondam accidisse, tantas quoq; olim calamitates gentium fuisse, vt ad cumulum miserrimarum quasi nihil accedere amplius possit.

Optandum esset etiam, vt singulorum, vel plurimorum saltem Cometarum descriptio extaret diligentior, adiectis accuratis observationibus Astronomicis. Ex tanta enim copia crederem multum lucis posse accedere ad doctrinam Meteorologicam, eamq; confici posse & copiosiore & exactiore. Omnes fatentur, naturalium rerum scientiam ex minima sua parte hominibus cognitam esse. Itaq; deplorandum est, iam inde à Græcorum Philosophorum tempore, nihil ferè adiectum esse, quod illustriorẽ eam doctrinam reddiderit, & caligine deterfa, ad apertiore naturæ contemplationem animos hominum perduxerit. Verum hoc magis deplorandum, quòd non saltem non studeamus hanc cognitionem amplificare, sed quòd & veterum inuenta perdiscere & cognoscere adhorreamus, & monstrosius potius, & ab ipsa natura abhorrentibus, opinionibus indulgeamus, & monstrosa proferentibus, quacumq; id ratione fiat, facilius assentiamur. Sed cum omnium ætatum hæc querela fuerit, nos quoque

que communem hominum sortem æquo animo feramus.

Restat nunc, ut de Cometa, qui proximo mense Nouembri, anni 1577. conspectus fuit, aliquid proferamus. Cometam illum omnium consensu appellare possumus. Nam nihil alieni à Cometarum forma & conditione, in eo depræhendimus. Nec multis peregrinis disputationibus eius conditio implicita est. Primum quidē Noribergæ visus est, die 12. Nouembris. Citius autem Venetis animaduersus, utpote octaua eiusdem mensis die. Lugduni quoque, nona dicti mensis die, primum apparuit. Et fortassis nobis quoque citius apparuisset, si nubibus, quæ aliquod antecedentibus diebus continuæ fuerunt, ipsius aspectus prohibitus non fuisset. Color ei pallidior erat, Coma ex non magno nodo, latius & in longum diffusa, eaque à Sole semper auersa fuit, nisi quod in medio eius parum incuruata cernebatur, quod ex optica causa accidisse arbitror. Comæ longitudo ultra 25. gradus cœlestis circuli extendebatur, in latitudine autem, ubi ea maxima erat, non plene duos gradus occupare videbatur. Prima illa die, de qua dixi, à me visus non fuit, verum, ut ab alijs intellexi, apparuit aspectu magis horribili, rubicundior, magnitudine quoque auctior, & terræ quasi vicinior, quàm altera & insequentibus diebus. Hanc itaque diuersam faciem accidisse arbitror ex nubium & vaporum conditione, vel alicuius nubeculæ raræ interuentu, & ut hæc cogitem, aliorum obseruationibus permoueor. Nam Altorfij qui eadem die duodecima, cœlo sereno eum conspicati essent, à sequentium dierum forma eum separare non potuerunt, neque etiam intellexi, quicquam tale ab his animaduersum esse, qui Venetis, Lugduni, & alibi citius illum obseruarunt.

Sol tunc fuit in initio dodecatemorii Sagittarij. Cometa secundum longitudinem, die 13. Nouembris, conspiciebatur in medio Capricorni, cum latitudine Septentrionali 15. graduum. Motus, qui præter motum diurnum ipsi erat, directus non fuit. Nam cum infra æquinoctialem, ex parte Meridionali prope viam lacteam primum apparuisset, postmodum non recta via, circiter diem 19. Nouembris æquinoctialem transcendens, (in ea parte, ubi 294. gradus ascensionis assignari solet) & lucidam stellam aquilæ, intervallo quasi 4. graduum relinquens, accedebat ad caudam Delphini, & se extremis illis stellis caudæ Delphini commiscuit circa diem eiusdem mensis 29. eo etiam tempore velocior suo cursu videbatur, & vno quasi gradu, aut parum plus, vna die progrediebatur. A dictis stellis discedens, die 5. Decembris parum prætergressus erat duas illas stellulas, quæ sunt in ore præcissionis equi, & rursus tendebat ad stellam tertiæ magnitudinis

magnitudinis, quæ est in rictu equi alati. Sed illam quoq; sub se ali-
quantulum relinquens, se mouit intra Ortum & Septentrionem, &
Calendis Ianuarij cum duabus prioribus lucidis stellis Pegasi, ex fi-
gura illa quadrangula, constituit triangulum æquilaterum. Postea
eum nimium attenuari quantitas eius cœpit, modum tardiore accessit
ad duas illas stellulas, quæ sunt in pectore Pegasi, & ibidem euauit,
vt post 10. diem Ianuarij, anni præsentis 78. nulla nec umbra residua
esset. Ex his motus eius in globo cœlesti intelligi poterit, & inde
manifestum fiet, quòd vago motu circuiuerit. Si autem recto itinere
ad eum locum, in quo euauit, incessisset, tunc in dicto temporis spa-
cio circiter 60. gradus confecisset. Hæc autem intelligi volumus de
apparente ipsius motu, nam qui in longinquis terris eum obserua-
runt, eos ad alia loca cœli, ipsius motu retulisse necesse est. Vtile au-
tem esset, vt accuratius in remotis inuicem locis visus locus annota-
retur. Hæc enim conferre possent, ad parallaxin exactius cogno-
scendam. Nos quidem accuratè tum vera loca, tum parallaxin, obser-
uare non potuimus, eò quòd instrumentis idoneis non eramus instru-
cti. Videbatur autem primo apparitionis tempore, terræ multò vi-
cinior quàm postea, vt iudicem, sursum quoq; ipsum promotu fuisse,
de hoc tamen nihil ipsius præter coniecturam habeo.

Dum etiam ipsius distantiam ab Horizonte & stellis mensus
sum, animaduerti eum difficilimè per tabellarum foramina agnosci
potuisse, propter lumen eius obtusum & debile, cum tamen aliarum
stellularum perceptio tunc esset facilima. Hoc quoq; fieri deprehendi,
vt, quoties Horizonti accedere eum viderem motu diurno, ex-
tingueretur antequam eum attingeret. Idque & ab Apiano animadu-
uersum video, in hīs quos ipse obseruauit, & in ipsius sententiam non
inuitus eo, qua Plinij verba ad hunc sensum alligat. Sic enim Plini-
us: Cometes nunquam in occasura parte cœli est. Hoc interpreta-
tur Apianus, quòd nunquam videantur Cometæ occidere, sed ex-
tingui paulò antè, quàm Horizontem attingere conspiciantur. Ver-
ba Plinij, vt pleraq; alia, ex Aristotele sumta esse arbitror, vult enim
Aristoteles omnes Cometæ, conspectos suo tempore, extinctos esse
sine occasu. Horum quoq; verborum sensus aliter ab alijs accipitur,
sed ad hunc, quem dixit Apianus, modum non incongruè applica-
buntur.

De materia huius Cometæ non ambigimus, quin fuerit moles
vaporum terrestrium. Sed an halitus isti accensi fuerint, me item A-
pianus dubitare facit. Nam dum radios Cometarum diligenter ob-
seruasset, & deprehendisset eos Soli ex aduerso semper positos esse,
non

non dubitauit affirmare, non omnes Cometas accensos esse, sed quos-
dam esse exhalationem subtilem non inflammata, sed lucentem à
lumine Solis, cuiusmodi existimat omnes eos fuisse, quos ipse obser-
uauit. Hæc ipsius opinio si vera est, quemadmodum probabilis esse
videtur, equidem ausim affirmare, hunc quoque vaporem à Sole illu-
minatum fuisse potius quàm inflammatum. Nam & Coma à Sole auer-
sa erat, & lumen ipsum illuminationi similis quàm incendio. Sed ha-
rum rerum iudicium penes Physicos esto. Iudicamus quoque illum ad
formam posse referri, quam Græci *παραύρις* nomine indicant.

Supereft tandem vt de effectu aliquid dicamus, quæ res, vt ab
omnibus omnium maximè desideratur, ita prolata difficilima est, &
inprimis obscura. Non esse Cometas inania spectacula, supra quidem
& rationibus & exemplis declaratum est. Iudicium quoque probatis-
simorum virorum, si experientia attendere nolunt, imperitis satis-
facere debebat. Citantur passim dicta veterum sapientum, & Poëta-
rum, de hoc negotio, cuius sententia est & D. Camerarii senarius,
Ἰδέσθαι κομήτης ὅστις εἰ καὶ κὸν φέρεται. Et Georgius Sabinus, vt ceteros præ-
teream, in hunc modum:

Semper adhuc diri quoties arsere Cometæ,
Certa sequuturi signa fuere mali.

Item:

Bella, famemque ferunt & funera multa Cometæ.

Sed vt aliorum quoque signorum interpretatio, non penitus ex
Physicis rationibus sumi potest, ita præcipuè Astrologica de Come-
tis prognostica, nequaquam ipsi negotio satisfacere possunt. Sed qualia
cunque ea sunt, pro nostra tenuitate proferre non detrectabimus.

Volunt Astrologi Cometas multorum malorum causam esse, &
hoc physicis rationibus confirmare conantur. Nam si materiam Co-
metarum respicimus, magnis corruptionibus ea loca terræ obnoxia
esse oportet, in quibus tanta moles vaporum et exhalationum Come-
tis sufficientem materiam suppeditare potest. Deinde accedit certa
& efficax quædam stellarum copulatio, vt sua vi vapores terrestres
attrahere possint, quæ vis vehementior non tantum in halitus istos,
sed & in totum aërem diffunditur. Tandem Cometæ siue accensi siue
illuminati, & in aëre circumuoluti, ipsum inficiunt, & ita motus ve-
hementiores, aut corruptionem excitant, in his præsertim homini-
bus, qui ob delatiorē educationem, aëris alterationem & infe-
ctionem facilius percipiunt. &c.

De malis autem, quæ in genere de Cometis prædicuntur, ab
antiquis hæc verba citantur:

Oſto mala fulgens Cometa per aëra ſignat,
Ventus, ſterilitas, aqua, peſtis dominatur,
Rixa ſit, & tremor, moritur dux, mutatio regni.

Quomodo verò hæc vel ſingula vel ex parte coniuncta, ex quaſibet ſtella crinita prædici debent, id Ptolomæus ſuccinctè & breuiter docuit. Arabes magis ſpeciales regulas proferre conſueuerunt. Sed quæ apud pleroſq; eruditos Arabum ſit fides & authoritas, in arte diuinandi, non eſt huius loci diſcutere. Tandem ex ſimilibus flammis, in iſdem locis antea inuentis, ſimiles quoq; euentus à recentioribus nonnunquam prædici ſolent, quanquam hoc experientiæ teſtimonium quàm plurimis exemplis ſultum eſſe conueniebat.

Præcipiunt autem, inquirendum eſſe aſtrorum poſitum & conſtellationem, cuius vi Cometæ materia ſublata eſt. Deinde cui ex Planetis maximè aſſimiletur, & ad quem curſu ſuo accedat, ſed iuxta Ptolomæum, omnes Cometæ cum Marte & Mercurio ex parte communicant. Obſeruandus item Cometæ poſitus ad Solem, dodecatemori conditionis, in quo primum oritur, & tandem imaginum cœleſtium conditio, quibus ſe commiſcet.

Iuxta hæc præcepta primum iudicamus, Eclipſes duas anni præcedentis, & in primis eam, quæ menſe Septembri accidit, hanc facem excitaffe. Nam ad poſtremam hanc ſimul concurrit coniunctio Iouis & Martis in domo Mercurij, & Mars præcipuum gubernium eius Eclipſis ſibi vendicauit. Vtrūq; item luminare à Saturno ex propria eius domo, infauſto radio quadrato impeditum fuit. Maior item nocendi vis infortunis acceſſit, quòd Saturnus occidentalis, & Mars orientalis fuerit. Ideoq; exiſtimo, Ptolomæo iubente, Eclipſis iſtius ſignificata per hanc ſecundariam cauſam exaſperari. Iudicata eſt autem iſta Eclipſis in Ariete, acutas febres prædicere, incendia, aëris ſiccitatem multam, & annonæ difficultatem, pecudum inſuper interitum, principis magni exilium, diſidia & bella, Religionis etiam & religioſorum ſtatum afflictum & turbulentum. Et hæc Eclipſis illa iſ præſertim minitata eſt, qui ſubieſti ſunt Arieti & eius triplicitati.

Præterea iudico Cometam hunc cum Saturno quoq; communicare, nam in eadem dodecatemori longitudine ferè coniuncti fuerunt. Lumine quoq; Saturninus eſſe putatur, quanquam & niger color Saturno congruit. Itaq; morbi notantur, à frigore, pituita & occultis humoribus generati, regionum quoq; detrimenta Saturnina, qualia ſolent fieri peſte, fame, ventis inſolitatis, terræ motu, ſiccitate. Et quoniam primum in Capricorni dodecatemorio viſus eſt, ex quo tempore præcipuum iudicium ſumi debet, itaq; ſecundum Arabum

traditiones, designantur bella inter reges, infortunia multa partibus Occidentalibus & regi eorum, religionum oppressione & morte, niues quoque copiosas, & grandines quibus arbores lædantur, inundationes in parte Occidentali.

Annotauimus supra, quod anno 1500. in Capricorno quoque crinitum sydus conspectum sit, illud tristem euentum habuit. Nam irruptio Tartarorum facta est in Poloniam, Moscorum in Lithuaniam. Biennio post, Noribergenses magna clade à Casimiro, Marchione Brandenburgensi, affecti sunt. Rusticorum seditio aduersus magistratum in agro Spirensi orta est. Fames item in Sueuia, & alibi alia incommoda secuta sunt. Hæc non ideo commemoro, ut Astrologica necessitas eadem nunc euenire cogat, nam euentus talis non ex solo loco Cometæ sequitur, sed ex alijs multis concurrentibus rationibus, quæ fortassis nec Astrologus satis perspicit: sed ut humanam sortem, cui subiecti sumus, consideremus, & ne nimium securi, à nobis humani quid alienum putemus, & vera ad Deum conuersione, poenarum mitigationem petamus. Iuxta Ptolemæum itidem, si consideramus Cometæ ad Solem positum, obitus thesaurarj alicuius Regis portenditur, & in hac consideratione, quanquam successu temporis, præsens Cometa à Sole maiorem distantiam nactus sit, quam ut intra metas Ptolemaicas se continuerit, tamen quemadmodum Pontanus iubet, à prima eius fulsione iudicium hoc sumimus.

Motus Cometæ, bella illa, quæ designari diximus, ab externis hostibus oritura nunciat.

Vniuersaliter autem omnes Cometæ, iuxta Ptolemæum, squallorem ventosque pronunciant, & id eo vehementius, quo maiora corpora eorum fuerint. Itaque de qua nunc agimus crinita, sicut inter maximas, quæ visæ antea sunt, minimè referri potest, ita plures sua magnitudine excedere solita est, ut satis intensam, non tamen maximam ventorum & squaloris vim sequuturam existimem, quemadmodum id ipsum iam hæc elapsis quoque diebus, non frustra experti sumus.

Quæritur postea, quando horum euentuum initium futurum, & quam diu euentus duraturus sit. Ex Ptolemæo aliter respondere non possumus, quam quod serior euentus sequetur, quoniam Cometa fuit occidentalis. Duratio flammæ, de euentuum intensione & remissione docere nos debet. Huius Cometæ duratio duorum mensium fuit, quæ plus quam mediocris est, nam aliàs citius aliàs tardius extinctos legimus. Plures tamen citius conflagrari soliti sunt. Ideo & ultra mediocritatem intensio poenarum erit. Quantum ad durationem attinet, à Ptolemæo non dictum inuenio, nisi quod nonnulli flammæ

flammæ diuturnum conspectum, de quo modo diximus, ad hanc partem trahant. Sed recentiores, pro singulis mensibus durationis, singulos annos numerare soliti sunt. Nonnullos rursus (fortassis si citius extinguuntur) pro singulis septimanis, singulos annos supputare intelligimus. Sed de hoc discrimine difficile est iudicare. Nam inuenio, peritos Astrologos dicere solitos, de tempore euentuum, vix, aut ne vix quidem prædici posse.

Postremo quæritur, quibus regionibus aut personis talis exitus impendere videatur. Ad hanc quæstionem partim supra respondi-
mus, vbi de Eclipsi loquenti sumus. De reliquis, Ptolemæus iudicium
sumere iubet, ex his locis Zodiaci, sub quibus Cometa collectus & in-
census fuit, & primum exarsit, deinde ex ratione Comæ, pro ratione
formæ. Quare periculum metuant inprimis hi, qui Capricorno subie-
cti sunt, vt Albania, Bulguria, Littauia, Moscouia, Saxonia, Turingia,
Halsia, Brandeburgum, Stiria, Ducatus Cleuens. Sunt postea qui
dicant his præcipuè portendere, quibus verticalis fuerit. Hac ratio-
ne, intelligitur tota illa Zona terrestris, quæ intra æquinoctialem &
tropicum Cancr. intercipitur, & aliqua ex parte quæ ultra æqui-
noctialem fascia est versus Meridiem. Tandem & his ciuitatibus &
personis periculosa hæc flamma censetur, quæ tempore fundatio-
nis earum, aut natiuitatis, locum Cometæ in cardinibus fortunarum
auxilio destitutis habuerint, locum dico in quo primum Cometa
conspectus fuit. Si enim in ascendente vel angulo Occidentis, ve-
hementius aliquid aut statui aut vitæ imminet. Si vero in Medio Cœ-
li, honorum iactura aliqua facienda erit.

Exorandus est nobis Deus Opt. Max. vt per filium suum, re-
dentorem nostrum, calamitates futuras nobis mitiget, & nostras
mentes Spiritu sancto suo confirmet, ne miser his & poenis
succumbamus, sed læti sempiternam libe-
rationem expectemus.

F I N I S.

Imprimebatur Noribergæ, in Officina Typographica
Catharinæ Gerlachin, & Hæredum
Iohannis Montani.

M. D. LXXVIII.

